



## თანამშრომლობის მემორანდუმი

საქართველოს კონკურენციის სააგენტოსა და

სსიპ საქართველოს ადვოკატთა ასოციაციას შორის

ერთი მხრივ, საქართველოს კონკურენციის სააგენტო (შემდგომში - სააგენტო), წარმოდგენილი მისი თავმჯდომარის ნოდარ ხადურის სახით, და მეორე მხრივ, სსიპ საქართველოს ადვოკატთა ასოციაცია (შემდგომში - ასოციაცია), წარმოდგენილი მისი თავმჯდომარის დავით ასათიანის სახით, შემდგომში ერთობლივად წოდებულნი მხარეებად, საქართველოს მოქმედი კანონმდებლობის შესაბამისად, ვდებთ წინამდებარე თანამშრომლობის მემორანდუმს (შემდგომში - მემორანდუმი);

### მუხლი 1. მემორანდუმის მიზანი

მხარეებმა, თანასწორობის პრინციპზე დაყრდნობით, ამ მემორანდუმის შესაბამისად, უნდა გააძლიერონ თანამშრომლობა კონკურენციის საკითხებზე საზოგადოებრივი ცნობიერების ამაღლებისა და თავისუფალი კონკურენციის დაცვის მიზნით.

### მუხლი 2. თანამშრომლობის ფორმები

მხარეები გამოთქვამენ მზადყოფნას, ითანამშრომლონ შემდეგი ფორმების საშუალებით:

ა) კონკურენციის საკითხებზე საზოგადოებრივი ცნობიერების ამაღლებისა და კონკურენციის ადვოკატირების მიზნით, ერთობლივი ღონისძიებების დაგეგმვა და ორგანიზება;

ბ) ლექციების, პრეზენტაციების, სემინარების გამართვა საზოგადოების სხვადასხვა სამიზნე ჯგუფებისათვის, მათ შორის, თავად ასოციაციის დაინტერესებული წევრებისათვის, იურიდიული/საკონსულტაციო კომპანიების წარმომადგენელთათვის, ბიზნეს-სექტორისათვის და ა.შ.

გ) სააგენტოს წარმომადგენლების მიერ ასოციაციის წევრებისათვის ინფორმაციის მიწოდება კონკურენციის სააგენტოს საქმიანობის მიმართულებების და გამოვლენილი დარღვევების შესახებ;

დ) ასოციაციის წარმომადგენელთა ჩართულობა კონკურენციის კანონმდებლობის დახვეწის მიზნით ცვლილებების შემუშავების პროცესში;

ე) ერთობლივი პროექტების/საერთაშორისო აქტივობების დაგეგმვა და მუშაობა ამ პროექტების განსახორციელებლად გრანტების მოძიების მიმართულებით;

ვ) საჯარო ინფორმაციის გაცვლა, მეთოდური დახმარება, კვლევების წარმოება, კონსულტაციების გაწევა და ა.შ.

ზ) მხარეთა მიერ ორგანიზებულ კონფერენციებზე, სემინარებზე და სხვა ღონისძიებებზე მონაწილეობა;

თ) თანამშრომლობის სხვა ფორმები, შეთანხმებული მხარეთა მიერ.

### **მუხლი 3. თანამშრომლობის ფორმატი**

1. წინამდებარე მემორანდუმი იდება მხარეთა შორის თანამშრომლობის გაძლიერებისა და განვითარებისათვის და არ წარმოადგენს სავალდებულო შეთანხმებას.

2. ინფორმაციის გაცვლა მოხდება წინასწარ განსაზღვრული საკონტაქტო პირების მეშვეობით ან მხარეთა წარმომადგენლების შეხვედრების დროს.

3. კონკრეტული ღონისძიებების დღის წესრიგი, განხორციელების ადგილი და სხვა ელემენტები, მათ შორის ფინანსური ასპექტები, უნდა დადგინდეს ინდივიდუალურად, მხარეთა ურთიერთშეთანხმების საფუძველზე.

### **მუხლი 4. ძალაში შესვლა და ხანგრძლივობა**

1. წინამდებარე მემორანდუმი იდება განუსაზღვრელი ვადით და ძალაში შედის მისი ხელმოწერის თარიღიდან.

2. მემორანდუმის მოქმედების შეწყვეტა შესაძლებელია ნებისმიერ დროს, მხარის მიერ მეორე მხარისათვის წერილობითი შეტყობინების გაგზავნით, მემორანდუმის მოქმედების ვადის შეწყვეტამდე სულ მცირე სამი თვით ადრე.





## მუხლი 5. ცვლილებები და დამატებები

1. წინამდებარე მემორანდუმში ცვლილებების შეტანა ხორციელდება წერილობითი ფორმით, მხარეთა ერთობლივი წინასწარი კონსულტაციების შემდეგ.
2. მემორანდუმში ცვლილებები ძალაში შედის ხელმოწერის მომენტიდან და წარმოადგენს მემორანდუმის განუყოფელ ნაწილს.
3. მემორანდუმის რომელიმე პუნქტის ბათილობა არ გამოიწვევს მთლიანად მემორანდუმის ბათილობას, თუ იგი დაიდებოდა ასეთი ბათილი პუნქტის გარეშე.

## მუხლი 6. დავის გადაწყვეტა

1. მემორანდუმის მოქმედებიდან ან განმარტებიდან გამომდინარე ნებისმიერი დავა, ასეთის არსებობის შემთხვევაში, უნდა გადაწყდეს მხარეთა შორის კონსულტაციებისა და მოლაპარაკების გზით.
2. წინამდებარე მემორანდუმით გაუთვალისწინებელი საკითხები რეგულირდება საქართველოს მოქმედი კანონმდებლობით.

მემორანდუმი ხელმოწერილია 2018 წლის 22 თებერვალს, ქ. თბილისში, ქართულ ენაზე, თანაბარი იურიდიული ძალის მქონე ორ ეგზემპლარად, რომელთაგანაც თითოეული გადაეცემა მხარეებს.

საქართველოს კონკურენციის  
სააგენტოს სახელით

  
ნოდარ ხადური  
თავმჯდომარე



საქართველოს  
ადვოკატთა ასოციაციის სახელით

  
დავით ასათიანი  
თავმჯდომარე

